

li vel boni, illo mali culpe, mali pene et mali temporis &c. omnes has Distinctiones e Textibus biblicis eruendo. In C. XLI. abrumptur, et ex adjecto Indice adparet, vix Operis dimidium hoc Codice contineri. Autor ejus non proditur.

## DIV.

- U. 449 Codex membraneus lat. Sec. XIV. ineuntis Folior. 177. f. per duas columnas minute perscriptus, emtus, ut Theca anterior testatum facit, a. 1432. et cum XVII. aliis donatus ad Librariam Collegij Ducalis a M. Andrea de Weytra est alterum supra dicti Commentarii Exemplar, et quidem plenius; orditur enim, ut in Editis: *Deus autem qui diues est in misericordia propter nimiam caritatem suam &c.* et ad calcem addit: *Explicit liber tercius fratris bonaventure super sentencijs. Omnis laus in fine canitur.*

II. fol. 118. sequitur ἀνεργαφως Ejusdem Commentarius in Librum IV. Sententiarum. Initium est: *Unguentarius faciet pigmenta suavitatis &c.* Ut Edit. Lugdun. suprac. T. V. Siftit tamen in Distinctione XXII. unde paullo recentiore calamo adjectum: *Sequitur distinctio 23<sup>a</sup> que incipit Preter premissa est etiam aliud sacramentum &c.*

## DV.

- U. 448 Codex chartaceus lat. Sec. XV. Folior. 421. f. per duas colum-

nas nitide exaratus et rubro distinctus aliud est Exemplar Ejusdem in Librum IV. Sententiarum absque omni inscriptione incipiens: *Unguentarius faciet &c.* ut superius, sed integrum. Ad calcem legas: *Explicit quartus boneventure. Deo gratias. Anno domini &c. (14)42. Jar. p.*

Adscriptus est Sermo in illud Marc. ult. *Ecce locus ubi posuerunt eum, qui incipit: Verbum est angeli admonentis sanctas mulieres que uenerunt ad sepulcrum &c.* et urget, ut earum exemplo dominum ploremus ungamus et cum eo sepeliamur, verum posteriore parte situ corruptus est.

## DVI.

- Codex membraneus lat. Sec. U. 414 XIV. Folior. 160. f. per duas columnas caractere difficili, ut sunt fere omnes Libri scholastici hujus aevi, ob nimia vocum compendia perscriptus, et rubricis distinctus hanc Notam praefert: *Hec sunt questiones super tercium librum sententiarum bonaventure empte a Domino Vlrico de hospitali ad librariam Collegij Ducalis Wyenne pro 12 solidis et 20 denarijs solutis de pecunia Erhardi Bedelli cuius anima requiescat in pace Christi.* Expositio porro Doctoris Seraphici sic init: *Deus autem qui diues est in misericordia propter nimiam caritatem suam &c.* ut Edit. Lugd. 1668. Opp. T. V. p. 1. Sed abest a Codice post Prooemium Textus Lombardi; a verbis enim: *et imitatores cre-*

1193

D O G M A T I C I.

1194

*credentes in eum*, continuo sequitur *Distinctio I. Cum intendat magister determinare, qualiter deus nos christo conuiuificauit &c.* et omissis IV. *Dubiis*, quae interferit Editio, *Articulus I. Ad intelligentiam uero hujus partis incidit hic questio &c.* Extrema consonant: *secundum quod in hoc libro explanatum est, sit omnis honor et gloria per infinita secula seculorum. Amen.*

## DVII.

U. 415 Codex chartaceus lat. Sec. XV. Folior. 394. f. per duas columnas nitide scriptus, et minio distinctus easdem *Bonaventurae in III. Sententiar. Librum Quaestiones* eodem modo integras continet, ἀνεπιγχαφους quidem, sed ad calcem fol. 386. p. 2. habes: *Explicit liber tercius fratris bonauenture super sentencijs. Omnis laus in fine probatur.* Folia residua partim fragmentum ex *Operibus Guilelmi de S. Amore* saepius relatis, partim *Tabula in Quaestiones* memoratas occupat. Corio Thecae exterius octies impressum est Sigillum Sacerdotem sacris operantem ad elevationem calicis exhibens cum Perigrapha: *S. Praepositi. In Mirica.* Quidam *Myricam* interpretantur *Heyde*, quo nomine fuit Coenobium Virginum olim in *Hassia*, quibus sui Ordinis Vir *Praepositi* nomine invigilare solet, item Urbs *Bohemiae*, cujus Praeposituram *Zischka* a. 1421. evertit.

## DVIII.

Codex membraneus lat. Sec. R. 933 XIV. Folior. 119. f. per duas columnas nitide, multis tamen uocum compendijs, exaratus, coloribus distinctus, et quondam Collegii S. J. *Viennae* Commentarius est in *L. I. Sententiarum Petri Lombardi* inscriptus laconismo *Opus Petri.* Est uero *Petrus* hic a loco natali dictus *de Tarentasia* ex Ord. Praed. ad sedem *Petri* sub nomine *Innocentii V.* adsumtus, quam a. 1276. morte destituit. Plura de eo *Bibliothecarii Ordinis* et *Ciaconius* in *Vit. Pontiff. T. II. col. 203.* Opus incipit: *Nunquid nosti ordinem celi — — Job XXXVIII. Verba ista sunt domini, ad beatum iob. ipsum sicut magister discipulum examinantis &c.* Extrema sunt: *per quod genus humanum redemptum est. Prestante eodem redemptore qui est benedictus in secula seculorum. Amen. Explicit liber primus sententiarum. deo Gratias.* Sequitur *Elenchus Quaestionum*, et ad hujus calcem: *Explicitunt problemata primi libri sententiarum. Et sunt CCCCIII.*

## DIX.

Codex membraneus lat. Sec. U. 439 XIV. Folior. 82. f. per duas columnas multis uocum compendijs exaratus, et coloribus distinctus inscribitur: *III. (Liber) Fratris Petri Super Sententias.* Est is *Petrus de Tarentasia*, de quo *Codice*